

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), a u skladu sa Programom utroška budžetskih sredstava u 2012. godini, usvojenim Zaključkom Vlade Zeničko-dobojskog kantona, broj: 02-14-15234/12 od 28.06.2012. godine, na prijedlog Ministarstva za privredu, Vlada Zeničko-dobojskog kantona, na nastavku 71. sjednice, održanom 18.07.2012. godine, d o n o s i

## **ZAKLJUČAK**

### **I.**

Usvaja se Postupak i kriteriji za odobravanje i dodjelu sredstva poticaja namjenjenih subvencioniranju troškova realizacije patenata inovatora sa područja Zeničko-dobojskog kantona, koji čini sastavni dio ovog Zaključka.

### **II.**

Za realizaciju podsticaja iz tačke I zadužuje se Ministarstvo za privredu, koje će donijeti sve provedbene akte i imenovati komisiju za provođenje propisanog postupka.

### **III.**

Zaključak stupa na snagu danom donošenja.

Broj: 02-\_\_\_\_\_ /12.

Datum, 18.07.2012. godine

Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

1x Ministarstvo za privredu,

1x Ministarstvo finansija,

1x a/a.



**POSTUPAK I KRITERIJ  
ZA ODOBRAVANJE I DODJELU SREDSTAVA POTICAJA NAMJENJENIH  
SUBVENCIONIRANJU TROŠKOVA REALIZACIJE PATENATA INOVATORA  
SA PODRUČJA ZENIČKO-DOBOJSKOG KANTONA**

## **1. UVOD**

U proteklom periodu na području Zeničko-dobojskog kantona evidentirana je značajna aktivnost inovatora. Oni su u početku djelovali samostalno, a posljednjih godina djeluju kroz Udruženje inovatora Zeničko-dobojskog kantona, odnosno Asocijacija inovatora BiH.

Značajan broj je učestvovao na smotrama inovatora u BiH i inostranstvu, gdje su i nagrađivani. Do sada Ministarstvo za privredu je povremeno podržavalo nastupe inovatorskih udruženja na sajmovima ZEPS.

Najveći problem sa kojim su se inovatori susreli jeste implementacija izuma, odnosno patenta. Bitno je istaći da je u nekoliko patenata inovatora sa područja Zeničko-dobojskog kantona doživjelo industrijsku primjenu. Imajući u vidu ovu činjenicu Ministarstvo je u 2008. godini predložilo Vladi Kantona Odluku o poticaju inovatora iz Zeničko-dobojskog kantona, što je Vlada prihvatila. Međutim, zbog jedinstvenih principa organizacije poticaja, pristupilo se izradi ovog Postupka i kriterija. Realizacijom ovog poticaja mogu se očekivati značajni efekti.

## **2. IZVORI I NAMJENA POTICAJNIH SREDSTAVA**

Sredstva za subvencioniranje troškova realizacije patenata inovatora sa područja Zeničko-dobojskog kantona, obezbjeđena je iz Budžeta Zeničko-dobojskog kantona za tekuću godinu, a planiraju se Programom utroška sredstava Ministarstva za privredu, te odgovarajućim odlukama Vlade Kantona, kojima se utvrđuju izdvajanja i transferi prema korisnicima.

Sredstva imaju karakter refundacije, dijela troškova koje inovator ima do momenta dobijanja Rješenja o dodjeli patenta, nakon čega slijedi implementacija i konačna zaštita.

Radi obavještanja potencijalnih korisnika poticaja o mogućnostima dobijanja neprovnatih sredstava Javni poziv i Odluke Vlade Kantona objavit će se u "Službenim novinama Zeničko-dobojskog kantona", sredstvima javnog informiranja i web stranici Vlade Kantona.

Na kraju budžetske godine Ministarstvo će izvjestiti Vladu i Skupštinu Kantona o realizaciji poticaja.

## **3. PATENT I KORISNICI POTICAJA**

Zakonom o intelektualnom vlasništvu u BiH ("Službeni glasnik Bosne i Hercegovine", broj: 3/02) uređeno je stjecanje, sadržaj i zaštita patenta.

Patent je pravo kojim se štiti pronalazak iz bilo kojeg područja tehnike pod uslovom da je nov, da ima inovativnu razinu i da se može industrijski primjeniti.

Postupak za priznanje ili dobijanje patenta uređen je pomenutim Zakonom i realizira se u slijedećim koracima:

1. Podnošenje prijave, utvrđenog sadržaja,
2. Podnošenje zahtjeva za priznanje patenta, sa priložima,
3. Ispitivanje patenta,
4. Odobravanje ili obustavljanje patenta,
5. Odbijanje prijave,
6. Objavljivanje patenta,
7. Dodjela patenta,
8. Podnošenje dokaza,
9. Izdavanje konačnog rješenja.

Pod patentom se podrazumjeva dvostrano obavezujući sporazum između države i inovatora, kojim država inovatoru garantuje monopol u cilju privrednog korištenja predmeta zaštite na teritoriji države, a inovator se obavezuje da će otkriti javnosti svoj izum. Dakle, patent je pravo koje štiti nositelja patenta u pogledu privrednog iskorištavanja izuma.

Pod patentom, u duhu ovog Postupka i kriterija podrazumjeva se onaj patent za koji je nadležan organ u BiH ili inostranstvu izdao Rješenje o dodjeli patenta nakon 01.01.2006. godine.

Korisnik poticaja, u duhu ovog Postupka i kriterija, je inovator ili više njih sa mjestom prebivališta u Zeničko-dobojskom kantonu, koji obezbjeđe uslove iz tačke 5.

#### **4. IZNOS POTICAJA**

Inovatoru će se, nakon uredno dostavljenog Zahtjeva i provedene procedure odlučivanja odobriti neprovatna sredstva u iznosu od 5.000,00 KM po jednom Rješenju o dodjeli patenta.

Jedan inovator ima pravo dobiti poticaj za najviše 3 (tri) patenta.

Pravo na poticaj nemaju članovi uže porodice inovatora koji je ostavario maksimalni iznos poticaja.

#### **5. ZAHTJEV ZA ODOBRAVANJE I ISPLATU POTICAJA**

Zahtjev sa obrazloženjem patentnog rješenja za odobravanje i dodjelu poticaja inovator dostavlja Ministarstvu za privredu.

Uredan Zahtjev sadrži slijedeće priloge izdate od nadležnih organa:

- Ovjerenu kopiju lične karte,
- Original ili ovjerenu kopiju Obavještenja o evidenciji prebivališta,
- Original ili ovjerenu kopiju Rješenja o dodjeli patenta.

#### **6. KOMISIJSKA OCJENA**

Komisiju za ocjenu ispunjavanja uslova i kriterija za dodjelu sredstava potencijalnim korisnicima imenuje i razrješava ministar Ministarstva za privredu. Za svoj rad Komisija odgovara ministru Ministarstva za privredu.

Komisija razmatra Zahtjeve potencijalnih korisnika poštujući hronologiju prijema aplikacija u protokolu prijernih akata Ministarstva, odnosno Vlade Kantona, te cijeni ispunjavanje uslova i kriterija za odobravanje sredstava. Izvještaj o ocjeni sa mišljenjem, Komisija dostavlja ministru Ministarstva za privredu.

U slučaju da Komisija ocjeni da nisu ispunjeni uslovi za odobravanje poticajnih sredstava, ona predlaže, a Ministarstvo za privredu donosi akto o odbijanju zahtjeva podnosioca.

## **7. POSTUPAK ODOBRAVANJA**

Na osnovu Izvještaja i mišljenja Komisije, Ministarstvo za privredu predlaže Vladi Kantona donošenje Odluke o odobravanju poticaja. Pojedinačne odluke Vlada donosi shodno raspoloživim sredstvima za tekuću godinu, a prednost u odobravanju sredstava ima onaj korisnik koji je ranije podnio uredan zahtjev.

Ukoliko se prije isteka budžetske godine utvrdi da raspoloživa budžetska sredstva nisu dovoljna, dio zahtjeva se može prenijeti u narednu godinu i u tom slučaju zahtjev se rješava u skladu sa mogućnostima i kriterijima koji budu usvojeni za tu godinu.

## **8. REALIZACIJA POTICAJA**

Na osnovu Odluke o odobravanju sredstava poticaja, Ministarstvo za privredu podnosi uredan nalog za isplatu sredstava Ministarstvu finansija Zeničko-dobojskog kantona.